

近代中國史料叢刊第四十輯
沈雲龍主編

篷窗隨錄

沈兆濤輯

文海出版社印行

光緒二十年十一月

南書房遵奉

硃筆取進

御覽

前任浙江布政使沈兆澐著蓬窗
隨錄十四卷附錄二卷續錄二卷

131097
10:21

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



光緒二十年十月二十七日

南書房奉

硃筆著南書房翰林等進大學衍義輯要大學衍義補
輯要沈兆澧著篷窗隨錄各一部欽此謹於十一月

初一日交

懋勤殿恭進得

旨留覽仰見

聖天子念典考文孜孜求治之至意懿榮謹按篷窗隨

錄十四卷附錄二卷續錄二卷天津沈文和公官

江安糧道督運北上舟中隨時所輯錄也書中采

輯皆有關於

國計民生之事而尤致詳於河運漕政及

畿輔水利諸大端所錄前人奏疏詞章率首尾完具
有類選集最便瀏覽後來可引爲典據者

大聖人軫念民依無時不以紓物力盡地力爲心故於
此書

特垂清問而 公之著作傳諸身後纔十餘年不由臣
工奏進遽得上邀

宸覽有裨大用文章報

國稽古之榮莫逾於此 公與懿榮先祖父榮祿公

爲嘉慶丁丑同年進士同館友善懿榮少年時猶

及以帖括文字問業於 公與 公之第十孫今

官宗人府府丞恩嘉者傲屋同居朝夕共筆硯

公貽書訓迪以時往來諄諄不倦今露榮倖直

南齋親見

盛事奔走告語恩嘉感激涕零請爲恭紀冠諸卷首

以志

恩遇越月朔日

日講起居注官翰林院侍讀 南書房行走王懿榮

謹記

A large empty table with 10 columns and a thick border. The table is oriented vertically on the page. The columns are of equal width and are separated by thin vertical lines. The top and bottom borders are significantly thicker than the side borders. There is a small, dark, irregular mark on the right side of the table, approximately halfway down.

--	--	--	--	--	--	--	--	--	--

皇上御極之二十年紀歲甲午冬十月二十七日

南書房翰林奉

硃筆命進先

臣

兆澧所著篷窗隨錄先是壬辰歲

恩嘉

曾以是書貽王太史

懿榮

茲奉

旨太史適直

南齋爰述

上命以語

恩嘉

越三日交

懋勤殿恭進得

旨留覽洵

聖天子好問之盛心先

臣

稽古之榮遇也憶

先大父

文和公既成是書謂

恩嘉

曰此余畢生精力所萃

凡所輯錄皆裨實用汝他日學古入官以是爲持
身涉世之準繩庶無大過恩嘉敬聽 彝訓服膺
弗敢失初未計及上達

宸聰得邀

天鑒書旣進乃聞大司農常熟翁公侍直

毓慶宮嘗攜以備

顧問

上見而嘉之故有是

命仰見

大聖人孜孜求治博採旁撿左右之臣體

好學不倦之心每以有關學術政治者集羣言以供

乙覽而先大父苦心纂述之意遂得積久彌彰謂非

儒生之至幸哉恩嘉卅年筮仕迭荷

殊恩未答涓埃每念前言時深愧悚忽承

溫詔語及先臣感激涕零益當兢兢焉勉其所未逮以

冀無負

恩遇之隆與祖考之訓云爾軍機處行走宗人府

丞臣沈恩嘉謹記

篷窗隨錄敘

余自庚子迄辛亥十二年督運往來計水程七萬餘里爲日二千有奇春末登舟旋歸速則七月遲則八九月間或至十一月大都長夏無不在舟中每當侵曉開窗致有爽氣午睡初足臥聞水聲罕案牘之勞無不速之容不衫不襪襟懷瀟灑渾忘酷暑並不覺此身在仕宦場也雖風狂浪駭運丁狡獪人且視爲畏途然余幸邀神祐遇險而安平日爲運丁剔其蠹恤所苦訓誡款款咸知奉法舟行尚無敢延誤乃得於間暇時披卷搨管藉消永晝所過垂楊夾岸秀麥連隄疏村小聚田夫野老熙熙藹藹觀舟航之整肅驗人情之踴躍對景物

之融和殆真有如沈起元序王君督蓮圖所云者茲秉
臬中州偶檢篷窗所錄彙付剞劂公餘翻閱又恍如風
帆翼張邪許聲歇靜坐柁樓底看四面無數山光互相
送迎時也錄中凡習見及現在人著作悉不載云

咸豐壬子秋七月沈兆澐自序於河南按察使署之嘉
石庭

篷窗錄敘

從古名臣宦游之地愈久則德政之入人愈深而人之
謳思亦愈切偶有紀載後世之士生其地者輒反覆披
尋而不忍釋手謂是先生宦吾鄉時之所作也而當時
親炙之士被澤嚮慕更可知矣雲巢夫子以名太史出
守江南游擢監司垂二十載文章政事都人士咸樂誦
之茲篷窗錄蓋督糧江安時所手輯者編中採擇多關
國計民生一舉筆而不忘乎國與民實一舉念而不忘
乎國與民也民之不能忘公也亦固其宜咸豐紀元榮
擢中州次年公暇彙付剞劂旋有師旅之命軍書旁午
未及告成迨戡定豫南移節山右時艱事鉅亦復不遑

回首江東戰船如織昔年書畫今變干戈烽燧連天蒼
生誰託棠陰如昨空切去思而公數年來保巖疆籌善
後攝藩秉臬兵刑錢穀棘手勞心欲如當日時清政暇
搨管舟中恐亦不復得此樂矣丙辰之歲友竹世台觀
察山左勤求治蹟世德彌光需次餘閒重校付梓鋪以
子山之漂泊作王粲之遠游復荷垂青招居東閣俾與
參訂用告厥成嘻誠異矣鏞固江左末學曩垂髫時肄
雅觀光曾受公國士之知者也此書錄於江南糧艘刊
於中州柏府軍興見阻遂輟半編宦篋遠攜由豫適晉
由晉適魯輾轉數千里稽遲六七年而仍使江南之士
得從旁參校於其間此實公愛江南之人而不忍棄耶

亦由江南之人思公而不能置耶抑亦士得知己可以
無憾天特留以待之使附驥而名彰耶千載而下讀是
書者必將溯及德政而穆然神往於先生宦江南坐官
舫也

咸豐丁巳夏四月既望金陵受業蔡懋鏞謹識於濟南
公廨

書雲巢廉訪篷窗錄後

篷窗錄者雲巢廉訪官江安糧道時輯錄前人奏疏詞章嘉言善行以及藥方書畫之屬皆有關於國計民生持身涉世舊聞掌故書中體例及作書時日廉訪自敘及蔡君敘詳矣昔沈起元敘王君督運圖言圖其逸不圖其勞廉訪自敘亦言運舟之逸余竊意

國朝漕政承明季之弊長運久困自來官漕運若蔡公士英楊勤慤朱莊恪數公者當世所稱賢能君子皆不勝病苦廉訪獨從容暇豫瀟灑著書豈其才出數公上或勞於前而逸于後抑久焉而習其事得以逸而忘勞者耶故事糧道督運艘至京師三運則部臣以積勞引

親率不久遷去而廉訪自庚子迄辛亥督運凡十二年
昔人所稱居位久而受任專其效畧可覩矣夫以文學
禮義爲官遷留滯此爲百石卒史言非所論于繡衣直
指承

天子命督諸道者也譬工人之操器騏驥之就途熟而
安焉不然廉訪日以勤訓屬吏而顧斤斤焉自詡其逸
哉余官晉始識廉訪每議論述前人事必悉本末於屬
吏喜恟幅無華之士其論刑法折衷于儒術治事之暇
端坐誦書未嘗少輟益歎無時而逸者乃終身不見其
勞也書以質之廉訪且以諗世之讀是書者

咸豐七年閏五月辛卯貴筑黃輔辰識

奉題篷窗錄

宗稷辰

片善服拳拳羣言收壘壘取裁極含宏選要關大體達
者良臣模窮者君子斐經緯咸著明忠孝各噓唏不圖
篷窗中筆劄齊子史卓然當代寶光氣騰瓊偉自皆通
本源何必連首尾頃來扣舷讀富哉列前軌一讀一警
省鑿心悉名理莫作衆說看載道文有幾何以贊鴻編
千秋垂壽豈

自題篷窗錄

牙籤滿載箛篷中往返張帆總順風

夏北上多南風秋冬南旋多北風

夜靜文光高射斗舟行我愛米南宮

不攜妻妾與兒孫不事携菹與酒尊誰信閒中忙未了

檢書操管閱朝昏

丁沽直北鳳城邊蟬噪槐黃六月天吟誦水窗聲達岸

旁人錯認秀才船

時與應秋試船同行岸上人輒云此亦似應試船也

手鈔奏疏與詞章兼采箴言及藥方我本迂疏慙博覽

不須狐鬼說荒唐

山川能說快登臨作客休誇擁鼻吟幾度錦衣行故里

畿南水利劇關心

星輶當日莅湖湘欲載餘聞久未遑此帙紀程無一語

長途歲月寄書囊

戊子典試湖南欲仿漁洋隴蜀
餘聞成楚行載筆一書未果

篷窗隨錄凡例

一是編所錄皆

國朝名人著作惟現存者不載

一頌表諸作沈博絕麗美不勝收未能悉載餘皆
有關學術政治兼及人物考徵稍涉俳優者概
不錄

一奏疏諸篇錄自

皇清奏議及各名臣本集不敢妄有增刪

一直隸河道水利不厭多錄用資攷證

一文以體分事以類從不統按作者先後次序

一凡擡寫空格處悉照原文恭錄

一先達著作已刊者不下數百家茲就行篋所攜
隨錄成編不免挂漏之譏

一詩賦楹帖及隨時聞見附錄另編

蓬窗隨錄總目

天津沈兆澐雲巢甫輯

男維璈

卷一

頌

卷二

表

歌

賦

卷三

疏

卷四

疏

卷五

疏

卷六

疏

卷七

摺

卷八

論

卷九

議

卷十

考

辨

說

卷十一

序

記

書

卷十二

傳

卷十三

書事

書後

卷十四

雜著

末二卷

附錄上

附錄下

蓬窗隨錄卷一

天津沈兆澐雲巢甫輯

男維璫校

目錄

頌

聖主躬耕藉田頌

杭世駿

聖主臨雍禮成頌

杭世駿

聖駕五巡江浙頌

汪注

平滇頌

尤侗

平蜀頌

尤侗

聖主躬耕藉田頌

有序

杭世駿

臣聞道民之路在於務本務本之要職於重農藉田者聖王所由敬崇宗廟社稷之粢盛而以農事勸民事也書益稷之謨曰烝民乃粒萬邦作乂周思民之頌曰立我烝民莫匪爾極載考傳記尤稱博矣

皇上體祁姚之德勤后稷之功立中和以視農辨上下以合禮乾隆三年二月辛亥

親帥王公大臣以下藉於千畝之甸告虔事也爾乃句芒效職盛德在木巽風融洩解雨霖霖土膏動矣青壇嶽立翠幕雲布遐阡繩直方卦拱互